

Abaloni leyi durhaka R1.6 million yi tekiwa

Tshwane, 15 Nhlangua 2021 – Vukorhokeri bya Xibalo bya Afrika-Dzonga (SARS), hi ku tirhisa xiyenge xa byona xa Khasitomo, byi tekile abaloni leyi omisiweke leyi durhaka R1.6-million leyi a yi tumbetiwe exigolonyanini xa thekisi endzilekanini wa Lembombo. Xikongomelo a ku ku tundza abaloni hi ndlela leyi nga ri ki enawini ku nghena laha Afrika-Dzonga ku suka eMozambique. Abaloni a yi pakiwile eka 21 wa mabokisi no tika 460 kg.

Muchayeri wa thekisi sweswi u le khotsweni ra Vukorhokeri bya Maphorisa bya Afrika-Dzonga (SAPS) naswona abaloni yi nyiketiwile SAPS ku lavisisiwa ku ya emahlweni. Loko ndzavisiso wu hetisiwile, SAPS yi ta nyiketa movha eka SARS leswaku ku endliwa maendlelo ma Khasitomo mo engetetelela.

Khomixinara wa SARS Edward Kieswetter u ndhundhuzerile vaofisiri va Khasitomo eka vurhonwana na vutinyiketeri bya vona ku hetisisa xileriso xa SARS xo lwa na vuxavisi lebyi nga ri ki enawini, hambiloko byi ri hi xivumbeko xa mitundzo kumbe mirhumelo ya tinhundzu ematikwenimambe.

"Vaofisiri va hina va Khasitomo va tinyiketerile eka ku endla swi nonoha no durha eka vangungumerisi no sirhelela ikhonomi ya Afrika-Dzonga. Ndzingeto wun'wana na wun'wana wo tirhisa tiko ra hina tanihi hi puwa ra migingiriko leyi nga ri ki enawini yi ta ariwa hi matimba lamakulu. Eka xiyimo lexi, vaofisiri va kombisile vutinyiketeri bya vona ku sivela vuxavisi lebyi nga ri ki enawini eka mixaka leyi sirheleriweke na leyi nga ekhombyeni," ku vurile Khomixinara.

Vona xifaniso lexi khomanisiweke.

Ku kuma voxokoxoko ku ya mahlweni, u komberiwa ku tihlanganisa na SARSMedia@sars.gov.za